


Jan Castagno

Mèstre en Gai-Sabé

Per moun Païs



C.I.E.L. d'Oc

Centre International de l'Écrit en Langue d'Oc

3 Place Joffre, 13130 Berre L'Étang

<http://www.lpl.univ-aix.fr/guests/ciel/>

Per moun Païs

(Pouèmenet)

Escoutas, Poples, se voulés !...

.....

Allègre per touto coutrìo,
Ma soulo e pichoto Patriò,
Eissam valient de fièrs Galès.
Crema dau fioc que me gresiho,
Dins l'or dau sourel que brasìho,
Trase un belug de pouèsio.
Sus tus, sòu benesi d'Alès.

La Ceveno a clina l'esquino
Per t'apausa pròchi Gardou,
Que cascaio soun rigaudou
De-long toun alo countadino.
Ta visto encanto lou regard;
Siés la pèrlo fino dau Gard;
Siès un pous d'or; siès un lugard;
Siés lou flambèu que m'ilumino.

Alès, toun cièl a lou velout
Das cièls blavents de l'Italìo;
Tous sèrres fan nico à l'Aupiho;
Ta Pradarié n'es qu'uno flou.
Tas coumbos sanglou de lourdiges;
Tas auros soun fouligaudiges;
Siès soustado das fols auriges;
Siès un ort de touto bèlou.

Tous vièls aubras cantou ta glòrio:
Euses, blacas, pi ns, castagniès,
Vèrnes e bèsses, coudouniès,
Tihuls ramas davans tas bòrios.